

SPORAZUM

o naučno-istraživačkoj, obrazovnoj i tehničkoj saradnji

između

Univerziteta u Sarajevu, Prirodno-matematički fakultet, Zmaja od Bosne 33-35,
71 000 Sarajevo, kojeg zastupa dekan, Prof. dr. Rifat Škrijelj

i

Instituta za mjeriteljstvo Bosne i Hercegovine, Augusta Brauna 2, 71 000 Sarajevo,
kojeg zastupa direktor, Mr.sc. Zijad Džemić

Član 1.

Ovim Sporazumom Prirodno-matematički fakultet Univerziteta u Sarajevu i Institut za mjeriteljstvo Bosne i Hercegovine u Sarajevu, definišu zajednički interes i izražavaju želju za uspostavljanjem naučno-istraživačke, obrazovne i drugih oblika saradnje u oblastima djelatnosti potpisnica Sporazuma.

Član 2.

Sporazum između potpisnica Sporazuma provodit će se u sljedećim oblicima:

- zajedničko učešće na međunarodnim projektima,
- naučno-istraživačka djelatnost u realizaciji međunarodnih i domaćih projekata,
- učešće u realizaciji ekspertskih djelatnosti,
- razmjena naučnih iskustava i dostignuća,
- razmjena publikacija,
- organizacija i učešće u radu naučnih i stručnih konferencija, kurseva, seminara i radionica,
- pružanje pomoći i stimulisanje kadrova prilikom stručnog osposobljavanja i usavršavanja (svi akademski stepeni studija)
- predlaganje tema završnih radova svih ciklusa studija na Fakultetu, uz realizaciju praktičnog dijela u Institutu
- ostale aktivnosti od zajedničkog interesa.

Član 3.

U okviru mogućnosti koje pružaju odredbe Člana 2. ovog Sporazuma, potpisnice Sporazuma će posebnim aneksom Sporazuma ugovorno definisati međusobna prava i obaveze u svakom konkretnom zajedničkom projektu.

Član 4.

Dogovorenu saradnju iz ovog Sporazuma potpisnice će implementirati na sljedeći način:

1. Zajednička istraživačka i obrazovna djelatnost će se ostvarivati realizacijom bilateralnih i multilateralnih projekata, koji podrazumijevaju učešće i drugih subjekata koje nisu potpisnice ovog Sporazuma, kako iz naše države tako i iz drugih država.
2. Potpisnice Sporazuma će omogućiti korištenje opreme i stručnih kadrova drugoj potpisnici u svrhu realizacije naučno-nastavnih planova, programa doktorskih studija i

drugih oblika istraživanja, u skladu sa mogućnostima i prema pravilima korištenja opreme svake strane.

Član 5.

Svaka potpisnica Sporazuma obezbijediti će vlastite izvore finansiranja za realizaciju konkretnih oblika saradnje ili će izvor finansiranja biti obezbijeđen realizacijom zajedničkih naučno-istraživačkih i drugih projekata.

Član 6.

U slučaju dogovorenog konkretnog oblika saradnje članica potpisnica Sporazuma ugovorom će se definisati međusobna prava i obaveze potpisnica, a koji će sadržavati sljedeće:

- vrijednost ugovora, načine i izvore finansiranja,
- odgovorne nosioce realizacije ugovora i njihova ovlaštenja,
- tim istraživača i drugih saradnika uključujući i studente koji će učestvovati u realizaciji projekta,
- specifikacija i iznos troškova koje snosi svaka potpisnica Sporazuma (ugovora),
- etička i materijalna prava koja proizilaze iz postignutih rezultata,
- način publikovanja rezultata
- način rešavanja eventualnih sporova među potpisnicama i drugi detalje od značaja.

Član 7.

Svaka od potpisnica Sporazuma zadržava pravo prijave i realizacije naučno-istraživačkih projekata i drugih aktivnosti samostalno ili sa nekom drugom institucijom koja nije potpisnica ovog Sporazuma.

Član 8.

Potpisnice će odrediti koordinateure zadužene za sprovođenje ovog sporazuma. Koordinatori najmanje jednom godišnje analiziraju izvršenje sporazuma i planiraju naredne aktivnosti.

Član 9.

Ovaj Sporazum se zaključuje na neodređeno vrijeme. Svaka od potpisnica pojedinačno može zahtijevati raskid (otkazivanje) Sporazuma uz obavezu da drugoj potpisnici podnese zahtjev najmanje 6 mjeseci ranije.

Član 10.

Ovaj Sporazum je sačinjen u četiri istovjetna primjeraka od kojih svaka potpisnica zadržava po dva primjerka.

Član 11.

Sporazum stupa na snagu danom potpisivanja od strane potpisnica.

